

道光二十有八年冬  
十一月有

詔清查各直省庫儲統以八

月為限余時檄所司

飭屬先呈冊籍方惴

惴然以不能如約是虞

越月定州寶刺史首  
以籍至披閱之下款列  
部分瞭如秩如不差  
銖黍亦無訾微轆轤  
余与方伯心契之其  
明年事竣核實刺史

稱最遂膺薦擢得

旨如所請今年冬刺史以所

輯州志成求序於余

得卒讀焉始歎其才

餘於官心細如髮向

者之知之猶未深也

余所見郡縣志汗牛  
充棟醇駁互見而相  
沿之通弊莫大於浮  
夸凡古蹟人物率展  
轉僞託而不顧其安  
莫濫於依附凡事實

藝文率庸瑣襍皆而不  
馴乎雅求其體例謹  
嚴考證詳核者千百  
中一二而已中山枕  
岳帶河為古來一大  
都會漢晉之世代有

定州志 卷三  
名藩唐宋元明屹為重  
鎮文韜武略史不絕  
書榮戟旌帷後光相  
望暨我

朝龍興

列聖省方觀民斯地又為

巡幸五臺

翠華回鑾駐蹕之所

六御天臨

重瞳下照

彤毫親灑溱野儀川捧觚而

紀事者如向所謂浮

定州志 卷之四  
夸依附之習吾知負  
矣惟志者史之支流  
也上以宣揚

邳化下以備稽攷而寓勸  
懲俾居其地者自舊  
德服先疇油然而生其



孝弟羞恥之心復憬  
然於古來廢興安危  
之故一志也而井田  
封建之微意存焉必  
其官斯土者顧名思  
義物愛心賦而後筆

之於書乃能精神貫  
注綱舉目張今刺史  
之作其有合於此意  
也夫就中鄉約一門  
係屬創例寸簡在手  
按圖可稽是又衆絲之

繫簠而六馬之銜轡  
也。已刺史名父之子其  
尊人尚書謚勤直公  
敬歷中外有古大臣  
風刺史沐浴庭誥克  
紹前徽異日展其驥

足以馳驅

皇路輔翊

聖朝文章勲業鼎峙於韓

蘇二公之間而予亦

得蒙薦賢之庥稱胥

於此揅左券矣故欣

然執管而為之序皆  
道光三十年歲次庚  
戌立冬後四日

賜進士出身

誥授光祿大夫

太子太保兵部尚書兼都

察院右都御史總督直  
隸等處兼管河道提  
督軍務糧餉管巡撫  
事長白訥爾經額撰  
并書

余以辛丑試中書由舍人充

史館校對旋躡詞垣改充協脩適一統  
志告成得襄校讎之役幸窺全書懿  
鑠乎憲左紹馬輔班轅范蔚為一代  
鴻文嗣提調館事每歲分進十四志  
精嚴宏括歎觀止焉己酉春出巡粵  
西左江未幾提刑豫章珥管蘭臺潤

絕久矣今春屏藩燕冀甫下車即檄  
取州縣各志其中得失襍糅求如靈  
壽志之卓然名史者卒渺冬十月定  
州寶夢蓮刺史以所重脩州志成  
郵寄索序考定州古中山地當南北  
衝要漢晉以來爭伐無虛日我

朝休養生息民物滋豐



列聖西巡

翠華臨幸

宸章奎藻炳耀日星昔之牧斯土者韓忠獻

蘇文忠功惠在人至今猶尸祝之表

章休明非第為徵攷文獻已也雖然

凡志之作援据為上去取次之編纂

又次之定志自王刺史續脩後事增